

1881

Մեր ծխական տարրական դպրոց-
ներում պարապելու նպատակա-
յարմար կարգը ու պարապմունք-
ների արդիւնաւէտութեան անհրա-
ժեշտ պայմանները.

ԳԻՆՆԷ 15 ԿՈՊ.

Բ. Տէր-Սահակեանի, Շուշոււմ.
1908

12836

1378

1282

~~1378~~

Մեր ծխական տարրական դպրոցներում պարապելու նպատակայարմար կարգը ու պարապմունքների արդիւնաւէտութեան անհրաժեշտ պայմանները.

I.

Մեր ծխական դպրոցները, մանաւանդ գիւղական դպրոցները, ինչպէս յայտնի է, իրենց կազմով մեծ մասամբ միդասեան են, երեք բաժանմունքից բաղկացած: Գպրոցի միակ ուսուցիչը ստիպւած է պարապել երեք բաժանմունքի հետ էլ, պարապել, ձգտելով բաւարար հետեւանքների. և նա պարապում է, ենթարկելով թէ իրեն և թէ իր մանուկ սաներին գոխային տանջանքների: Այդ տանջանքները առաջ են գալիս հետեւեալ կարգից. մի դասարանական սենեակում տեղաւորուած են երեք բաժանմունքն էլ, բաժանուած երեք խումբ նստարանների վրա. ուսուցիչը միաժամանակ զբաղեցնում է բոլորին էլ, 60 րոպէ տեղութիւն ունեցող դասը նա բաժանում է երեք մասի, 20 րոպէ նւիրում է I-ին բաժանմունքին, 20 II-դին ու 20 էլ III-դին. երբ անմիջապէս պարապում է մի բաժանմունքի հետ, մնացած

երկուսին որ և է գրաւոր զբաղմունք է տալիս (արտագրումն գրքից կամ գրատախտակից, թւաբանական վարժութիւններ, գծագրութիւն և այլն): II-դ կամ III-դ բաժանմունքի հետ պարապելիս ուսումնական տարւայ առաջի կիսամեակում համարեա ոչ մի հնարաւորութիւն չի լինում I-ի բաժանմունքը որ և է գրաւորով զբաղեցնել, քանի որ այդ բաժանմունքի սկսնակ երեխաները այդ շրջանում այնքան իւրացրած չեն լինում գրելը, որ կարողանան առանց ուսուցչի անմիջական ղեկավարութեան որ և է բան գրել իրենց տետրակներում: Նրանք սովորաբար մօտ 40 ընդէ անգործ նստում են դասատանը, ոչինչ չհասկանալով այն դասախոսութիւնից, որը ուսուցչիչը անում է II-դ կամ III-դ բաժանմունքի համար. ձանձրոյթից նրանք յօրանջում են, բօթում են իրար, չարութիւն են անում, քրքրում են իրենց դասարանական իրերը, այս կամ այն կերպ անփոյթ ձեռնահարելուց վայր գցում գետնին, աղմուկ բարձրացնում, խանգարում ուսուցչին, որը յաճախակի դիմում է նրանց, պահանջելով սուս կենալ, հանգիստ նստել, կարգ պահպանել, չը խանգարել. երեխաները մի երկու ըօպէով հանդատանում են, ահաբեկելով ուսուցչի զբաւած զէմքից ու խրոխտ ձայնից, ու գարձեալ սկսում են իրենց անմեղ, անգործութիւնից բղխող, չարութիւնները: Եթէ փորձում է ուսուցիչը նրանց

դուրս ուղարկել, որպէսզի II-ին ու III-դին չը խանգարեն, հետեանքները աւելի վաս են լինում. դրսում նրանք վազվզում են, աղմուկ են բարձրացնում, կուտակվում են դասարանի լուսամուտների առաջ ու այդպիսով աւելի խանգարում ուսուցչին, քան դասարանում եղած ժամանակ: Այդ պատճառով ուսուցիչները գերադասում են նրանց դասատանը պահել ու մի կերպ տանել նրանց չարութիւնները, քան ուղարկել դուրս: Ղասարանական կարգապահութիւնը նկատելի չափով չէ բարւոքւում նոյն իսկ երկրորդ կիսամեակում, երբ առաջինեցէք քիչ-չատ ընդունակութիւն են ձեռք բերած լինում զբաղելի գրաւոր վարժութիւններով առանց ուսուցչի անմիջական ղեկավարութեան ու հսկողութեան. երեք բաժանմունքի միաժամանակ զբաղեցնելը մի դասարանական սենեակում, ինչքան էլ աշակերտները ընդունակ լինին ինքնուրոյն աշխատանքի, դա մի տաժանակիր աշխատանք է, որը ծանօթ է այն ուսուցիչներին միայն, որսնք իրենց կաշւի վրա զգում կամ զգացել են: Նրա անտանելի ծանրութիւնը: Ղեռ լաւ է, եթէ ծխական խղճուկ, աղքատիկ դպրոցն ունի այնպիսի դասարանական սենեակ, որի մէջ միաժամանակ կարողանում են տեղաւորել երեք բաժանմունքն էլ. պատահում է այնպիսի դպրոց, որտեղ բաժանմունքները տեղաւորում են երկու կից սենեակ-

ներում, մէկուում երկուսը, միւսում մէկը: Այդպիսի պայմաններում դասարանական կարգապահութիւնը աւելի վատթար, աւել խնտանելի է լինում. ուսուցչի մի սենեակում եղած ժամանակ միւսում մանկական չարածճութիւնը անարգել արտայայտուում է առանց չափ ու սահմանի. ուսուցիչը ստիպւած է լինում յաճախակի մտնել աղմկայոյզ սենեակը ու կարգի հրաւիրել ձանձրոյթից չարութեան գիրկն ընկնող երեխաններին. այդ րօպէին նրա թողած սենեակումն է կարգը խանգարուում. ուսուցիչը շտապով վերադառնում է այնտեղ, կարգի հրաւիրում սաներին ու շարունակում ընդհատուած պարապմունքը: II-դ, նոյն իսկ III-դ բաժանմունքի աշակերտները այնքան պատրաստականութիւն չունեն, որ կարողանան բոլորովին ինքնուրոյն կերպով պարապել իրենց տւած գրաւորով ու չը խանգարել ուսուցչին, երբ նա պարապում է առանձին ու անմիջապէս երեք բաժանմունքից որ և է մէկի հետ: Եթէ միմիայն նրանք լինեն դասարանական սենեակում (II-դ ու III-դ բաժանմունքները), այն ժամանակ զգալի չափով հեշտ է պարապելը ու կարգ պահանջելը. մի բաժանմունքի հետ անմիջապէս պարապելիս ուսուցիչը իր աչալըջութեան ու ուշադրութեան մի մասը միւս բաժանմունքի (գրաւորով պարապող) վրա ունի դարձրած, այլ ոչ երկուսի ինչպէս այն դէպքում, երբ

երեք բաժանմունքն էլ նա ստիպւած է միաժամանակ զբաղեցնել: II-դ ու III-դ բաժանմունքների աշակերտները գրաւորի ժամանակ յաճախակի դիմում են ուսուցչին հարցերով. վերջինս նրանց բացատրութիւններ է տալիս, մօտենում է սրա կամ նրա տետրակը շտկում, նստածքը կամ անկանոն դիրք ունեցող իրանն ուղղում: Այդպէս հնարաւոր է քիչ-շատ բաւարար կերպով տանել պարապմունքները II-դ ու III-դ բաժանմունքների հետ, իւրաքանչիւր դասին յատկացրած ժամանակը կիսելով երկուսի մէջ, մէկի հետ անմիջապէս պարապելիս միւսին որոշ չափի վերահսկողութեան ներքոյ զբաղեցնել որ և է գրաւոր պարապմունքով. իսկ երբ նոյն դասարանական կամ կից սենեակում ներկայ է լինում նա և սկսեակ բաժանմունքը, I-ը, որին միւսնոյն դասից ուսուցիչը պէտքէ առանձնակի որոշ ժամանակ յատկացնի, մնացած ժամանակը, մինչև դասի վերջը հետևի նրանց կարգապահութեան, քանի որ ինքնուրոյնով, գրաւորով, նրանց զբաղեցնելու ոչ մի հնարաւորութիւն չի լինում համարեա, մանաւանդ I-ի կիսամեակում, այն ժամանակ II-դում ու III-դում էլ հնարաւոր չէ լինում քիչ-շատ բաւարար տանել գործը, ոչ մի բաժանմունքում պարապմունքները ցանկալի կանոնաւորութեամբ ու արդիւնաւէտութեամբ չեն ընթանում. ուսուցիչը սաստիկ ջլպանանում է, կոր-

ցնում հանգիստ, խաղաղ, դէպի ստանձնած նւիրական գործն ու իր սաները բարեացակամ, սիրալիր տրամագրութիւնը, առանց որի անհնարին են արդիւնաւէտ պարապմունքները. նա յաճախակի կորցնում է իր պագարիւնութիւնը ու այդ դրութեան մէջ ակամայ դիմում, այսպէս ասած, Ֆիզիքական ներշնչումների, ծեծի ու հայհոյեանքներէ նոյն խկ, այնպիսի «գաստիարակական» միջոցների, որոնք վաղուց են դատապարտւած մանկավարժական դիտութեան կողմից ու որոնց ամենաթույլ նշույն անգամ չը պէտք է լինի դպրոցում: Ժամանակակից ուսուցիչները, համարեա բացառապէս բոլորն էլ, դէմ են խալիֆայական գաստիարակական միջոցների գործադրելուն դպրոցում, բայց տարրական աղքատիկ դպրոցի վերև նկարագրած դառն իրականութիւնը ստիպում է շատերին դիմել այդ միջոցներին, ախմայ, 'ի հարկէ, սաւտիկ զրգուած, անչափ ջղայնացած դրութեան մէջ. . .

II.

Վերև ասացինք, որ 60 րոպէ տևող դասը ուսուցիչը բաժանում է երեք մասի, յատկացնելով իւրաքանչիւր բաժանմունքին 20 րոպէ: Ամեն մի դասից ընդամենը 20 ր. նւիրելով այս կամ այն բաժանմունքի աշակերտների հետ անմիջապէս պարապելուն, մնացած 40 րոպէն ուսուցիչը թողնում

է նրանց տրամագրութեան տակ. թէ ինչպիսի ձանձրոյթ ու յոգնածութիւն են պատճառում մանկահասակ աշակերտներին այդ երկարատև րոպէները ու ինչպիսի իրականութիւն ստեղծում դասատան մէջ, այդ մասամբ նկարագրած է վերևում ու հասկանալի է և երևակայելի առանց մանրամասը նկարագրութեան էլ: Թէև իւրաքանչիւր բաժանմունքի հետ անմիջապէս պարապելուն ուսուցիչը նւիրում է 20 ր., բայց ոչ մի հնարաւորութիւն չունենում անընդհատ պարապել, այդ 20 ր. ամբողջովին գործադրել պարապմունքի վրա. նա յաճախակի ստիպված է լինում ընդհատել պարապմունքը ու դիմել միւս բաժանմունքներին՝ նրանց մէջ խանգարւած կարգը վերականգնեցնելու նպատակով, այս ու այն անկիւնում ծաղող աղմուկը դադարեցնելու համար. այդպիսով այս կամ այն բաժանմունքին յատկացրած 20 րոպէից իսկական պարապմունքին հազիւ բաժին է ընկնում 10-15 րոպէ ու այն էլ ոչ անընդհատ. բոլոր երեք բաժանմունքներին յատկացրած 60 րոպէից առնազը 20 րոպէն վատնում է դասարանական անհրաժեշտ կարգապահութեան վրա (չը նայած դրան կարգապահութիւնը ընդհանուր առմամբ լինում է միշտ անբաւարար, անտանելի), իսկ հազիւ 40 րոպէն պարապմունքներին: Այդպիսով օրը 5 ժամ դասարանական պարապմունքներին նւիրող ուսուցիչը

(սովորաբար 5 ժ. նւիրւում են դասերին, 1 ժամ դասամիջոցներին. պարապմունքները տւում են դպրոցում 8 ժ. մինչև 2-ը, կամ 8 1/2 մինչև 2 1/2, կամ 9-ից մինչև 3-ը) 2 ժամը անօգուտ սպանում է կարգապահութեան վրա ու ամենաշատը 3 ժամ կորոզանում նւիրել իսկական պարապմունքներին ու այն էլ, ինչպէս պարզ երևում է վերև նկարագրածից, անբաւարար հետեանքներով:

60 րօպէ տւող դասը անթօյլատրելի է տարրական դպրոցում, մանաւանդ նրա ստորին բաժանմունքներում (I-ի, II-դ և III-դ). երկարատե դասերը ոաստիկ ձանձրացնում ու յոգնեցնում են մանկահասակ աշակերտներին, խիստ նկատելի կերպով վատ են ազդում նրանց ֆիզիքական զարգացման վրա, քայքայում են նրանց առողջութիւնը:

Պետական միջնակարգ դպրոցներից շատերում, նրանց բարձր դասարաններում նոյն իսկ, ու տարրական դպրոցների բարձր բաժանմունքներում, սկսած 4-դից, I-ի, II-դ ու III-դ դասերը տւում են 55-ական րօպէ, իսկ IV-դ ու V-դ դասերը 50-նական. տարրական դպրոցների ստորին բաժանմունքներում աւելի քիչ ժամանակ, այն է՝ 50 րօպէ, 45, 40 (վերջի դասերը, IV-դ, V-դ): Մեր տարրական դպրոցներում պէտքէ վերջ դնել ընդմիշտ դասերի 60 րօպէի հասնող տււողութեան. բայց դա փոքրագոյն չարիք է համեմատած պա-

րապմունքների այն կարգի (վերև նկարագրած), այն սխտեմի հետ, որը շատ ու շատ հազւագիւտ բախտաւոր բացառութեամբ գոյութիւն ունի ամենուրեք, մանաւանդ մեր զիւզերում, մեր տարրական միդասեան (երեք բաժանմունքից բաղկացած) դպրոցներում. պէտքէ վերջ դնել այդ չարիքին. նրա վերացումը հնարաւոր կը դարձնի դասերի կրճատումը:

III.

Ի՞նչպէս կարելի է վերջ դնել այդ չարիքին: Կայ երկու միջոց. մէկը նրանցից արմատական է, հիմնովին բարւոքող կրթական դործը տարրական դպրոցում ու հասցնող նրան գերագոյն արդիւնաւետութեան, միւսը կիսամիջոցէ, պալիատիվ է, հիմնովին չը վերացնող չարիքը, բայց հասցնող նրան նւագագոյն չափերի: Առաջի միջոցն այն է, որ միդասեան, երեք բաժանմունքից բաղկացած, տարրական դպրոցն ունենայ երեք ուսուցիչ, երկդասեան, հինգ բաժանմունքից բաղկացած, դպրոցն ունենայ հինգ ուսուցիչ, որպէսզի ամեն մի ուսուցիչ հնարաւորութիւն ունենայ նւիրել իր ժամանակն ու ոյժերը միմիայն մի բաժանմունքի: Այդպիսի պայմաններում միդասեան դպրոցը տարրական ծախս կը պահանջի տւււազը 2000 րուբլի (հաշւելով մի ուսուցչի քիչ-շատ բաւարար սօճիկը

500-ից մինչև 600 բուբլի տարեկան, ուսուցիչների ուձիկներին աւելացնելով դպրոցի միւս անհրաժեշտ ծախսերը, ինչպէս՝ ծառայի ուձիկը, գրագորանի ու դասարանական ամենաանհրաժեշտ պիտուքների վրա անուղ ծախսը և այլն), երկդասեան դպրոցը կը պահանջի 3500 ռ. առնւազը: Մեր արդի իրականութեան մէջ, մանաւանդ ողբալի գիւղական իրականութեան, այդպիսի բիւջէ, այդքան եկամուտ ունեցող տարրական դպրոցը մի երազ է, որը դեռ տասնեակ տարիներ կը մնայ երազ. մի դասեան դպրոցի համար աննկարագրելի դժւարութիւններով ու խոչնդոտներով հազիւ կարելի է լինում հայթայթել տարեկան 500-600 ռ., հազար գիւտ երկդասեանի համար 1000 — 1200 ռ., ամենաշատը 1500: Այդ ողորմելի բիւջէն է գլխաւոր պատճառը այն դառն իրականութեան, որը գոյութիւն ունի մեր տարրական դպրոցներում, որը նկարագրած է վերևում. այդ բիւջէի շնորհիւ է դասատուները դառնում պարարիւն տանջանքների բով՝ թէ ուսուցչի և թէ աշակերտների համար: Այդ իրականութեան դառնութիւնը ինչպէս կարելի է վերացնել կամ մեղմացնել զոնէ այդպիսի անյաղթելի աննպաստ նիւթական պայմանների մէջ: Իսպառ վերացումն անհնարին է, իսկ մեղմացումը հնարաւոր. հնարաւոր է այդ այն պալիատիվ միջոցի գործադրութեամբ, որի մասին ակնարկեց

վերևում: Այդ միջոցի էութիւնը կայանում է հետեւեալում. առաջի սկսնակ բաժանմունքը բոլորովին ըստանում, առանձնացնում է երկտորոց ու երկորոց. ուսուցիչը նրա հետ պարապում է առանձին դասացուցակով, նոյն ընդհանուր դասարանական սենեակում, բայց ոչ II-դ ու III-դ բաժանմունքների ներկայութեամբ, որոնք բացակայում են դպրոցից I-ի բաժանմունքի դասերի ամբողջ տեղութեան ընթացքում: Սկսնակ բաժանմունքը ունենում է օրեկան 3 դաս, շաբաթական 18, այնէ՛ կրօնից 1 դաս, հայոց լեզուից 6, թւաբանութիւնից 5, իրազննութիւնից 2, վայելչագրութիւնից 2, նկարչութիւնից 1 ու երգեցողութիւնից 1: Գասերից I-ն ու II-դը տեւում են 45 բուպէ իւրաքանչիւրը, III-դը 40 բուպէ. երեքը միասին 130 բուպէ կամ 2 ժամ 10 բուպէ: Օրը լինում է երկու դասամիջոց (I-ի ու II-դ, II-դ ու III-դ դասերի մէջ) իւրաքանչիւրը 10 բուպէ տեղութիւն ունեցող: I-ի բաժանմունքին նւիրում է այդպիսով (դասամիջոցներով հանդերձ) օրեկան ընդամենը 150 բուպէ կամ 2 1/2 ժամ. դասերն սկսւում են ուղիղ ժամը 8-ին առաւօտեան ու վերջանում 10 1/2 ին. դասերը վերջանալուն պէս երեխաները ժողովում են իրենց իրերը ու գնում տուն: I-ի բաժանմունքի պարապմունքները վերջանալուց յետոյ լինում է դասամիջոց, 10 բուպէ տեղ, որի

վերջանալուն պէս, այնէ ուղիղ 10 ժամ 40 րոպէին սկսուեմ են պարապմունքները II-դ ու III-դ բաժանմունքների հետ,*) որոնք տեղաւորուեմ են միաժամանակ մի դասարանական սենեակում, բաժանւած երկու խումբ նստարանների վրա: Այդ երկու միատեղ ու միաժամանակ պարապող, բայց իւրաքանչիւրն իր առանձին ձրագիրն ունեցող բաժանմունքները ունենում են օրեկան 4 դաս, շաբաթական 24, այն է՝ կրօնից 2 դաս (I-ը ըստ մանկանքը), հայոց լեզուից 6, ռուսաց լեզուից 5, իրազննութիւնից 2, թւաբանութիւնից 5, վայելչագրութիւնից 2, նկարչութիւնից 1 ու երգեցողութիւնից 1, III-ը ըստ մանկանքում՝ կրօնից 2, հայոց լեզուից 5, ռուսաց լեզուից 5, թւաբանութիւնից 4, պատմութիւնից 2, բնագիտութիւնից 2, վայելչագրութիւնից 1, նկարչութիւնից 1 ու երգեցողութիւնից 1 ու ^{Պատմութիւնից 1} Գրութիւնից 1-ն ու II-դը տեւում են 45-ական րոպէ (իւրաքանչիւրը), իսկ III-դն ու IV-դը 40-նական րոպէ. չորսը միասին տեւում են 170 րոպէ կամ 2 ժամ 50 րոպէ: Գա-

*) Այդ բաժանմունքների աշակերտները գալիս են մօտաւորապէս 10 ժամից սկսած. սկզբում ուշանողներ կամ աւելի շուտ եկողներ շատ են պատահում, բայց շուտով ընտելանում են նոր կարգին ու բաւականին ճշտապահ են լինում: Ժամանակից շուտ եկողների համար սահմանում է օրապահութիւն հասակաւոր աշակերտներից, որոնք հետեւում են այն բանին, որ շուտ եկողները չը խանգարեն ներսում պարապողներին:

սամիջոցները (Թւով 3՝ I-ի ու II-դ դասի մէջ, II-դ ու III-դ, III-դ ու IV-դ) տեւում են 10-նական րոպէ, երեքը միասին հաշուած 30 րոպէ: Գասերն ու դասամիջոցները տեւում են այդպիսով ընդամենը 200 րոպէ կամ 3 ժամ 20 րոպէ. պարապմունքները վերջանում են ուղիղ ժամը 2-ին կէսօրից յետոյ: Այդպիսով I-ի, II-դ ու III-դ բաժանմունքները ունենում են օրեկան 7 դաս, որոնք տեւում են ընդամենը 300 րոպէ կամ 5 ժամ, ու 6 դասամիջոց, որոնք տեւում են 60 րոպէ կամ 1 ժամ. բոլոր դասերն ու դասամիջոցները միասին տեւում են 360 րոպէ կամ 6 ժամ: Եթէ դասերն սկսուեմ են ուղիղ 8 ժամին առաւօտեան, վերջանում են ուղիղ 2 ժամին կէսօրից յետոյ. եթէ սկսուեմ են 8¹/₂ ժամին (ձմեռուայ ամիսներում), վերջանում են 2¹/₂-ին: Աւելի ուշ սկսել դասերը, օրինակ ժամի 9-ին, ես անթույլատրելի եմ գտնում, նոյն իսկ ձմեռուայ ամիսներում. տարրական դպրոցի սաները երեկոները կամ գիշերները երկար չեն նստում դասեր սովորելու. այդպիսի կարիք չը կայ ու չը պէտք էլ լինի. անցնող ուսումնական նիւթը այս կամ այն առարկայից նրանք պէտք է իւրացնեն գլխաւորապէս ուսումնարանում: Տարրական դպրոցի երեխաները սովորաւոր պարկուտ են քնելու 7-ին, 8-ին ամենաուշը 9 ժամին երեկոյեան (գիւղերում աւելի շուտ, մանաւանդ ձմե-

ուր) ու մինչև առաւօտեան 6-ը քնում են այդպիսով 9-ից մինչև 10-ը, 11 ժամ, որը անպայման բաւական է 8-ից մինչև 15 տարեկան հասակում գտնւող երեխաների համար: Գիւղերում աւելի շուտ են պարկում ու աւելի շուտ արթնանում. յաճախակի դեռ լուսաբացից առաջ մեծերի հետ միասին ոտի վրա են լինում արդէն 7-8 տարեկան երեխաներն անգամ: Ուսուցիչներն այդպիսով հնարաւորութիւն ունեն գասերն սկսել առաւօտեան 8-ին ու վերջացնել 2-ին նոյն իսկ այնպիսի գիւղական գալրոցներում, որոնք ունեն սաներ, յաճախող դպրոցը 2-3 վերստի վրա գտնւող հարեան դպրոցագուրկի գիւղից. առաւօտեան ժամի 5-ին արթնացող գիւղացի երեխան հնարաւորութիւն ունի մինչև ժամի 8-ը այդ տարածութիւնը հեշտութեամբ անցնել: Թոյլատրելի է գասերը առաւօտեան 8¹/₂-ին սկսելը միմիայն ձմեռնամուտի ու ձմեռւայ ամիսներում, այն է՝ նոյեմբերի 15-ից մինչև փետրւարի 15-ը:

Պարապելու նկարագրած կարգով ուսուցիչը նւիրում է դպրոցին օրեկան 6 ժամ, որոնցից 5-ը սպառւում են գասերի վրա, 1-ը դասամիջոցների, նւիրում է այնքան ժամանակ, ինչքան և այն գէպքում, երբ նա պարապում է *Միսթամնուսկ* I-ի սկսնակ, II-դ ու III-դ բաժանմունքների հետ միասին, տեղաւորելով նրանց մի դասարանական կամ

երկու կից սենեակներում, ինչպէս այժմս ամենուրեք սովորական է այդ. իրականութեան մէջ ինչպէս են գնում պարապմունքներն այդ կարգով, նկարագրած է վերեւում: *Բարնխիլդ* ու *եռանդուն* ուսուցիչը ձգտելով բաւարար հեռեանքների հասնել, այդ կարգով պարապելիս, 6 ժամ չէ միմիայն նւիրում իր սաներին, այլ յաճախակի 7, 8 ժամ նոյն իսկ. բաւարար հեռեանքների այդպիսի ուսուցիչն անգամ շատ զժւար է հասնում, սպառելով ահագին եռանդ, մաշելով, քայքայելով իր աւողջութիւնը, նոյնչափ տանջելով և իր մանկահասակ սաներին: Առաջարկւող նոր կարգով գասերը ձգձգելու երբէք կարիք չի լինիլ. սկսնակ բաժանմունքի հետ բոլորովին առանձին պարապելով ու II-դ և III-դի հետ էլ նրանից առանձին, նա հնարաւորութիւն կունենայ իր պարապմունքները տանել միշտ կանոնաւոր, հանգիստ, հանդարտ, պարիւն, միանգամայն ազատ ոյս գրութեան առաջի մասում նկարագրած դժոխային քասուից, նա անհամեմատ աւելի քիչ ոյժ ու եռանդ կը սպառի իրանից զործի վրա ու համեմատաբար աւելի լաւ հեռեանքների կը հասնի. նա շատ քիչ կը տանջւի ու ևս առաւել քիչ կտանջի իր սաներին. հմուտ, փորձած, ՚ի բնէ մանկավարժական ձիրքով, շնորհքով օժտւած ուսուցչի դասատւութեան ժամանակ պարապելու այդ կարգի շնորհով *տանջանք* անուն

կրող բանը գոյութիւն չէ կարող ունենալ: Թող մեր ուսուցիչներն ու ուսուցչուհիները զուգնթացաբար փորձեն պարապելու սովորական կարգը ու նորը, այս գրութեամբ առաջարկւողը. երկար փորձերի կարիք չեն զգալ համոզւելու համար, որ զանազանութիւնը նրանց մէջ շատ մեծ է, ու նոր կարգը, համեմատած առաջինի հետ, աւելի նպատակայարմար է կրթական գործին մեր տարրական միդասեան, երեք բաժանմունքից բաղկացած, դպրոցում նրա գոյութեան արդի նիւթական աննախանձելի, խղճուկ պայմանների մէջ ցանկալի կանոնաւորութիւն տալու նրան աւելի արդիւնաւետ դարձնելու համար: Այդպիսի փորձեր արւելեն. հետեւեանքը եղել է նպաստաւոր առաջարկւող նոր կարգի համար. վերջինս երկու ուսումնական տարի շարունակ գործադրւել է մի քանի ծխական տարրական դպրոցներում (Փանձակի գաւառում, 1906-1907, 1907-1908 ուսումնական տարիների ընթացքում, տողերիս գրողի խորհրդով, ցուցմունքներով ու մասամբ ղեկավարութեամբ) ու աւելէ շատ միտիթարական հետեւանքներ:

IV.

Առաջարկւող նոր կարգը, համեմատած հնի հետ, ումի մի ուրիշ աչքի ընկնող խոշոր առաւելութիւն ևս. միաժամանակ երեք բաժանմունքը մի

դասարանական կամ երկու կից սենեակում տեղաւորող ու նրանց հետ միաժամանակ պարապող ուսուցիչը մեծ դժւարութիւններով հաղիւ կարողանում է պարապել 50-60 հոգու հետ. բոլոր երեք բաժանմունքների աշակերտ-աշակերտուհիների ընդհանուր թիւը սովորաբար 50-60-ից հաղիւ է անցնում այդպիսով. պատահում են ուսուցիչներ, որոնք զիջում են ծնողների թախանձագին խնդիրներին ու երեսօաների աւելի մեծ թիւ ընդունում, հասցնելով աշակերտ-աշակերտուհիների ընդհանուր քանակը բոլոր երեք բաժանմունքներում 70-75, 80-85 հոգու նոյն իսկ: Դժւար չէ երեւակայել այն դասարանի ողբալի իրականութիւնը, որն իր երեք բաժանմունքով միաժամանակ տեղաւորում է իր մէջ այդքան հոգու. . . Առաջարկւող նոր կարգով եթէ ընթանան դասարանական պարապմունքները, այն ժամանակ I-ի սկսնակ առանձին պարապմունքներ ունեցող բաժանմունքում կարող են աջողութեամբ սովորել 50-ից մինչև 60³ հոգի, II-դ ու III-դ միաժամանակ պարապող ու մի դասարանական սենեակում տեղաւորող բաժանմունքներում նոյնպէս 50-ից մինչև 60³ հոգի (հաշւելով այդչափ ոչ թէ ամեն մի³ բաժանմունքում, այլ երկուսում միասին): Այդպիսով մի ձեռնհաս ուսուցիչ ունեցող միդասեան երեք բաժանմունքից բաղկացած տարրական դպրոցում սովորել կարող են 100-ից

մինչև 120 հոգի ու այն էլ աւելի աջող, նոյն իսկ անհամեմատ աւելի աջող, քան այն դէպքում, երբ ուսուցիչը երեք բաժանմունքի հետ պարապում է միաժամանակ, տեղաւորելով նրանցում 50-ից մինչև 80-85 հոգու: Այդ կարգով երկու ձեռնհաս ուսուցիչը կարող են պարապել 200-ից մերչև 240 հոգու հետ: Այդ հնարաւոր է միգասեան դպրոցի այսպիսի կազմակերպմամբ. դպրոցը մնում է մի-դասեան, բայց երկու դասատուն ունեցող, իւրաքանչիւրը բաղկացած նոյն երեք բաժանմունքից, I-ի, II-դ և III-դ. դասատուներից մէկը կոչուում է՝ միգասեան դպրոցի հիմնական դասատուն, միւսը՝ նոյն միգասեան դպրոցի զուգնլծաց դասատուն. երկուսումնէլ ծրագիրը նոյնն է, իսկ երկուսի բաժանմունքների ընդհանուր թիւը վեց: Մի ուսուցիչ վերև նկարագրած կարգով կարող է տանել ամբողջ գործը հիմնական դասատան բոլոր երեք բաժանմունքներում ու պարապել 100-ից մինչև 120 հոգու հետ, միւսը նոյնը կարող է անել զուգնլծաց դասատան բաժանմունքներում ու պարապել նոյնպէս 100-ից մինչև 120 հոգու հետ: Այդպիսի կազմ միգասեան դպրոցին կարելի է տալ այնպիսի համայնքում, որը բաւականանում է միգասեան դպրոցով ու ունի վերջինումս սովորող ցանկացողների մեծ թիւ, որոնց նա, դպրոց պահող համայնքը, ձգտում է բաւարարութիւն տալ

ամենահամեստ, ամենաչափաւոր կրթութեամբ, միգասեան դպրոցի ծրագրով սահմանափակող: Եթէ դպրոց պահող համայնքը ցանկանում է համեմատաբար լայն կրթութիւն տալ իր զաւակներին, նա այն ժամանակ երկու ձեռնհաս ուսուցչով կարող է իր ծխական դպրոցը միգասեանից դարձնել երկգասեան, որի առաջին դասատունը բաղկացած կը լինի երեք բաժանմունքից, իսկ երկրորդը երկու. դպրոցն այդպիսով կունենայ հինգ բաժանմունք (I-ի դասատունը I-ի, II-դ ու III-դ բաժանմունքներից բաղկացած, II-դ դասատունը IV-դ ու V-դ բաժանմունքներից բաղկացած). առաջի դասատան բոլոր երեք բաժանմունքում վերև նկարագրած կարգով ամբողջ գործը կարող է տանել մի ուսուցիչ, երկրորդ դասատու երկու բաժանմունքում միւսը: Առաջի դասատանը պարապել կարելի է 100-ից մինչև 120 հոգու հետ, իսկ երկրորդում 40-ից մենչև 50 (երկու բաժանմունքում միասին): Երկրորդ դասատան բացման առաջի տարում նա կունենայ միմիայն մի բաժանմունք (IV-դ, հաշւելով առաջի դասատան երեք բաժանմունքի կարգում, յաջորդաբար նրանց), որտեղ պարապել կարելի է նոյն 40—50 հոգու հետ աւելի աջող, քանի որ ուսուցիչը դասարանական ամբողջ ժամանակը հնարաւորութիւն կունենայ նւիրել մի բաժանմունքի միայն: Նոյն դասատան զոյւլթեան

երկրորդ տարուց գոյութիւն կը ստանայ նա II-դ բաժանմունքը կամ ամբողջ դպրոցի V-դը, որը I-ի բաժանմունքի կամ ամբողջ դպրոցի IV-դի հետ կը տեղաւորուի մի դասարանական սենեակում միաժամանակ պարապմունքներով, դասին յատկացրած ժամանակի կէսի նւիրմամբ մի բաժանմունքին, մնացած կէսիմիւս:

V.

Երկգասեան տարրական դպրոցի երկրորդ դասատանը օրը լինում է 5 դաս, շաբաթական 30, այն է՝ կրօնից 2 դաս, հայոց լեզուից 6, ռուսաց լեզուից 5, թւարանութիւնից 3, պատմութիւնից 3, աշխարհագրութիւնից 2, բնագիտութիւնից 3, երկրաչափական ձևագիտութիւնից 1, նկարչութիւնից 2, վայելչագրութիւնից 1 ու երգեցողութիւնից 2: I-ի, II-դ ու III-դ դասերը տեւում են 55-ական րօպէ (իւրաքանչիւրը), իսկ IV-դ ու V-դ դասերը 50-նական. օրը լինում է չորս դասամիջոց, որոնցից I-ը (I-ի ու II-դ դասերի մէջ) տեւում է 15 րօպէ, II-դը (II-դ ու III-դ դասերի մէջ) նոյնպէս 15 րօպէ, III-դը, մեծ դասամիջոցը, (III-դ ու IV-դ դասերի մէջ) տեւում է 50 րօպէ, իսկ IV-դը (IV-դ ու V-դ դասերի մէջ) դարձեալ 15 րօպէ: Բոլոր դասերը միասին տեւում են 265 րօպէ կամ 4 ժամ 25 րօպէ, բոլոր դասամիջոցները միասին տեւում են 95 րօպէ կամ 1 ժամ 35 րօպէ. դասերն ու դասա-

միջոցները միասին տեւում են 360 րօպէ կամ 6 ժամ: Պարապմունքներն սկսում են ու վերջանում միաժամանակ I-ի դասատան պարապմունքների հետ: Քանի որ դասերի ու դասամիջոցների տեղութիւնը I-ի ու II-դ դասարաններում առաջարկւող կարգով միատեսակ չէ, բնականաբար միաժամանակ զանգահարութիւն կարող են ունենալ նրանք բոլոր պարապմունքների սկզբում ու վերջում: Այդ երկու զանգահարութիւնների մէջ ընդհանուր զանգահարութիւն չէ հարկաւոր ոչ մի դասի վերջում (բացի ամենավերջին դասի). դասը վերջանալուն պէս, առանց զանգահարութեան, ուսուցիչը յայտարարում է աշակերտ-աշակերտուհիներին՝ « դասը վերջացաւ դուրս գնացէք » երեխաները դուրս են գալիս դասատանից, զբօսնում թարմ օդում, վազվզում, խաղում, նախաճաշում (նրանք, որոնք իրենց հետ ուտելու բան ունեն բերած). երբ դասամիջոցը վերջանում է, ուսուցիչն ինքը կամ նրա առաջարկութեամբ օրապահ աշակերտը զանգահարում է ու այդպիսով հրաւիրում երեխանց դասատուն: Այդ կարգին է հետեւում թէ առաջի և թէ երկրորդ դասատան ուսուցիչը: Կարող է հարց ծագել՝ միթէ դասամիջոցի ժամանակ զբոսում գտնւող աշակերտները չեն խանգարիլ այն աշակերտներին, որոնք նոյն ժամանակ նստած են դասատանը ու պարապում են. ոչ, խանգարել չեն կարող, եթէ

ուսուցիչները խելացի կարգապահութեան (գիւ-
ցիպլինի) ընտելացնեն երեխաներին: Կասամիջոց-
ների ժամանակ ուսուցիչներն էլ պէտքէ գտնեն
զբոսում այն նպատակով, ինչ նպատակով գտնուում
են երեխաները, այն է թարմանալու, թարմ օգ-
շնչելու համար. գտնելով զբոսում, նրանք զբոս-
նում են երեխաների մէջ ու իրենց ներկայութե-
ամբ չափաւորում նրանց աղմուկը, արգելելով
անկարգութիւնները, բայց բնաւ չարգելելով խա-
ղերը: Այգպիսի պայմաններում, ուսուցչի հսկողու-
թեան տակ գտնուող զբոսի երեխաները, դասամի-
ջոցների ժամանակ, երբէք չեն խանգարիլ նրանց,
որոնք ներսում պարապում են. բացի ուսուցչի
անմիջական հսկողութիւնից բաւականէ երեխանե-
րի ուշադրութիւնը երբեմնակի հրաւիրել այն բա-
նի վրա, որ նրանք իրենց չափազանց աղմուկով
խանգարում են ներսում գտնուող իրենց ընկերնե-
րին պարապել, սրպէսզի ցանկալի կարգապահու-
թիւնը սովորական հաստատուն երևոյթ դառնայ
դպրոցում: Կարող է ծագել և այսպիսի հարց՝ դա-
սամիջոցի վերջում զբոսում գտնուողներին ներս
հրաւիրելու համար գանգաճարելիս չէ որ ներսում
այդ ժամանակ գտնուող ու պարապող միևս դասա-
րանի աշակերտները կարող են յուզւել, շարժւել,
վեր կենալ տեղներից, կարծելով, թէ իրենց դասը
վերջացել է. այգպիսի բան չէ կարող լինել, քանի

որ երեխաներին ուսումնական տարւայ հենց սկզ-
բի մի քանի օրում հեշտութեամբ կարելի է ընտե-
լացնել սահմանաժամ կարգին, այն է՝ որ դասը վեր-
ջացած է համարում այն ժամանակ միայն, երբ
ուսուցիչը բարձրաձայն յայտարարում է՝ « դասը
վերջացաւ, դուրս գնացէք ». իսկ գանգաճարու-
թիւնը գոյութիւն ունի միմիայն զբոսից դասա-
տուն մտնելու համար, դասամիջոցի վերջանալուն
պէս:

Եթէ երկդասեան դպրոցի երկրորդ դասատունը
ունի մի բաժանմունք միայն (IV-դ, միւսների
շարքում) կամ ունի երկուսը (IV-դ ու V-դ),
որոնց դպրոցի նիւթական միջոցները հնարաւորու-
թիւն են տալիս բաժանել իրարից ու տեղաւորել
առանձին-առանձին դասարանական սենեակներում
իւրաքանչիւրին տալով առանձին ուսուցիչ,
այդ պայմանների մէջ էլ դասերի դասամիջոցների
թիւն ու տեղութիւնը չեն փոխուում, մնում
են դարձեալ վերև մատնանշած չափերի սահ-
մաններում:

VI.

Եթէ դպրոց պահող համայնքը ցանկութիւն ու-
նի իր գաւակներին լրիւ տարրական կրթութիւն
տալ, այն ժամանակ նա կարող է իր դպրոցը երեք
ձեւնհաս ուսուցչով երկդասեանից դարձնել երեք-
դասեան. երրորդ դասատունը բաղկացած է լինում

միայն մի բաժանմունքից, որը դպրոցի բոլոր բաժանմունքների կարգում, յաջորդաբար հաշվելով, կոչուում է V-դ բաժանմունք: Երեք ուսուցիչներից մինը տանում է ամբողջ գործը I-ի դասարանում, երկրորդը II-դ դասարանում, երրորդը III-դում կամ, այլ կերպ ասած, V-դ բաժանմունքում: Եթէ ուսուցիչներից սր և է մինը այնպիսի բազմակողմանի պատրաստականութիւն չունի, որ կարողանայ իրեն յանձնած դասարանում բոլոր առարկաների դասատուութիւնը միատեսակ աջողութեամբ տանել (օրինակ, պետական դպրոցում է ստացել իր կրթութիւնը ու այդ պատճառով թույլ է հայտն լեզուից, որը բնականաբար աջող տանել չի կարող), այն ժամանակ կարելի է թույլատրել առարկաների բաժանումը II-դ ու III-դ դասարանի ուսուցիչների մէջ: I-ի դասատան մէջ չը պէտք է երբէք առարկաների բաժանում մտցնել*): այդ դասատան համար միշտ պէտք է ընտրել այնպիսի ուսուցիչ, որն ընդունակ լինի միատեսակ աջողութեամբ տանել բոլոր առարկաների դասատուութիւնը:

Երրորդ դասարանում կամ V-դ բաժանմունքում օրեկան լինում է 5 դաս, շաբաթական 30, այն է կրօնից 2 դաս, հայոց լեզուից 5, ուսուցիչ լեզուից

*) Դասատուութեան դասարանական ու առարկայական կողմի կամ սխառնմի մասին մանրամասը մի ուրիշ անգամ:

5, պատմութիւնից 4, աշխարհագրութիւնից 2, բնագիտութիւնից 2, մարդակազմութիւնից ու առողջապահութիւնից 2, թւաբանութիւնից 3, երկրաչափական ձևագիտութիւնից 1, քաղաքացիական ուսմունքից 1. նկարչութիւնից 1, վայելչագրութիւնից 1 ու երգեցողութիւնից 1: Պատերից I-ինը, II-դը ու III-դը տեւում են (իւրաքանչիւրը) 55-ական րօպէ, իսկ VI-դն ու V-դը 50-ական. I-ի դասամիջոցը տեւում է 15 րօպէ, II-դը նոյնպէս 15 ր., III-դը 50 ր., իսկ IV-դ 15 ր. գարձեալ. դասերն ու դասամիջոցները միասին տեւում են 360 րօպէ կամ 6 ժամ, որոնցից 4 ժամ 25 ր. սպառուում են դասերի վրա, իսկ 1 ժամ 35 րօպէն դասամիջոցների: II-դ ու III-դ դասարաններում դասերն ու դասամիջոցներն այդպիսով միաչափ տեւողութիւն ունեն, միաժամանակ սկսւում են, միաժամանակ վերջանում:

50 րօպէ տեւող մեծ դասամիջոցը (III-դը) նպատակալարմար է շահագործել այսպէս՝ կազմակերպել մանկական խաղեր, զբաղեցնել երեխաներին մարմնամարզութեամբ, շաբաթական գոնէ չորս անգամ, իւրաքանչիւր անգամ յատկացնելով նրան 30 րօպէ, իսկ մնացած 20 րօպէն թողնելով երեխաների ազատ սրամագրութեան տակ: Չեւազործով (աշակերտութիւններին), իսկ ձեռարւեստով (աշակերտներին), որտեղ հնարաւորութիւն

ու ցանկութիւն կայ այդ պարապմունքը կազմակերպել, կարելի է զբաղեցնել դարձեալ մեծ դասամիջոցներին, շաբաթական յատկացնելով այդպիսի պարապմունքներին չորս դաս, իւրաքանչիւրը 30 րոպէի տևողութեամբ: Այդ դեպքում մարմնամարզութեամբ կորող են պարապել միմիայն երկու անգամ շաբաթական: Ի-ի դաստանն աշակերտուհիներին ձեռագործով կարելի է զբաղեցնել ճաշից յետոյ, շաբաթական երկու անգամ, ժամի 3¹/₂-ից մինչև 4¹/₂-ը կամ 4-ից մինչև 5-ը: Աւելորդ է մանրամասնորէն կանգ առնել այն բանի վրա, որ ձեռագործի համար հարկաւոր է մասնագէտ ուսուցչուհի, իսկ ձեռարւեստի (ручной трудъ) մասնագէտ ուսուցիչ: Եթէ դպրոցի միջոցները թոյլ չեն տալիս այդպիսի մասնագէտներ ունենալ, այնտեղ այդ պարապմունքները գոյութիւն ունենալ, ի հարկ է, չեն կարող: Քանի որ ձեռագործը անհրաժեշտ է աշակերտուհիների համար, ցանկալի է այդ պատճառով, որ 2—3 հոգուց բաղկացած ուսուցչական խմբի անդամներից մինը լինի այնպիսի ուսուցչուհի, որը ձեռնհաս լինի պարապելու ծրագրի մէջ մտնող բոլոր աւարկաներով, ձեռագործով նույնպէս:

VII.

Երեք բաժանմունքից բաղկացած միդասեան տարրական դպրոցը պէտք է ունենայ (եթէ մի

ուսուցչի վրա է ծանրանում ամբողջ զործը) մի դասարանական սենեակ՝ ընդարձակ, լուսաշատ, օդառատ, չոր ու տաք (ձմեռը). նա պէտք է ունենայ փայտե յատակ, 30 հատ երկտեղանի կամ 20 հատ երեք տեղանի աշակերտական նստարաններ (գերադասելի են երկտեղանիները), մի զբոստանակ, մի ուսուցչական սեղան ու երեք հատ օթոն (մէկը ուսուցչի համար, երկուսը այցելուների) ու մի փոքրիկ պահարան աշակերտական տետրակների ու ուսուցչի մշտական տրամադրութեան տակ գտնուող անհրաժեշտ դասարանական պիտույքների համար: Եթէ դպրոցը երկդասեան է, պէտք է ունենայ երկրորդ այդպիսի սենեակ նույն անհրաժեշտ կահաւորութեամբ, երկրորդ դասատան կամ VI-դ ու V-դ բաժանմունքների համար. եթէ երեք դասեան է, պէտք է ունենայ երրորդ այդպիսի սենեակ, նույնպէս լաւ կահաւորած, երրորդ դասատան կամ VI-դ բաժանմունքի համար: Այդ սենեակի համար աշակերտական նստարաններ հարկաւոր են 25 հատ միմիայն երկտեղանիի քանի որ III-դ դասարանում կամ V-դ բաժանմունքում աշակերտ-աշակերտուհիների թիւը չը պէտք 50 աւել լինի:

Ինչքան էլ սուղ, համեստ լինեն դպրոցի նիւթական միջոցները, պէտք է նրա դասարանների ու բաժանմունքների թիւի համեմատ աճին, տա-

րէցտարի հարստանան նրա զրազարանն ու դասարանական պիտոյքների ժողովածուն. առանց զրազարանի, որում պէտքէ լինեն զբքեր՝ թէ աշակերտների և թէ ուսուցիչների ընթերցանութեան համար, ու մանաւանդ առանց դասարանական անհրաժեշտ պիտոյքների կրթական գործը զպրոցում լիակատար բաւարարութեամբ չէ կարող ընթանալ:

Եթէ գպրոցը բացի հիմնական դասարաններից ունի և զուգնթացներ կամ վերջիններս բանալու կարիք ու ցանկութիւն կայ, պէտք է ամեն մի զուգուենթացի համար անհրաժեշտ կահաւորութեամբ առանձին դասարանական սենեակ ունենայ:

VIII.

Տարրական գպրոցում պարապելու վերև նկարագրած կարգը, նկարագրած իր բոլոր մանրամասնութիւններով, առաջարկուած է գործադրել այնպիսի գպրոցներում, որոնց գոյութիւնը պահպանուած է շատ համեստ նիւթական միջոցներով, այն էլ գանձուող, ճարուող, հալթալթուող աննկարագրելի, յաճախ անյողթելի դժարութիւններով, ինչպէս մատնանշուած է այդ նաև վերևում: Մեր կրթական գործով զբաղւողներից ու հետաքրքրւողներից ոչ ոքի անյայտ չէ այն, որ մեր տարրական գպրոցների ստւարագոյն մեծամասնու-

թիւնը, մանաւանդ զիւղական գպրոցների մեծամասնութիւնը, գտնուած է նիւթական ողբալի դրութեան մէջ. գուրկ է մշտական աղբիւրներից ու կախուած աւելի պատահականներից: Ահա այդ ստւարագոյն մեծամասնութեան համար է առաջարկուած պարապելու վերև նկարագրած կարգը. այդ ստւարագոյն մեծամասնութիւնը պէտք է կազմակերպել վերև նկարագրած ձևով, որպէսզի գոյութիւն ունեցող համեստ նիւթական միջոցներով կարելի լինի հնարաւորութեան չափ հասնել քիչ-շատ աչքի ընկնող նպատակների: Եթէ գպրոց պահող որ և է համայնքի միջոցները ներում են տարէցտարի անընդհատ մեծացնել իր ուսուցչական խումբը ու հասցնել վերջիններիս անգամների թիւը առնւազը *վեցի* (լիակատար կազմ, վեցգետեան կամ վեց իրարից ջոկ, իւրաքանչիւրն առանձին դասարանական սենեակում պարապող բաժանմունք ունեցող տարրական գպրոցի համար), նա չը պէտք է մի րօպէ անգամ կանգ առնի դրա առաջ. եթէ այդպիսի համայնքը կամ նրա գպրոցի մասին հոգացող նրա լիագօր մարմինը, հոգաբարձութիւնը, պարապելու իմ ցոյց տւած կարգը իր մաթին փաթաթան կը շինի, լաւագոյնը կը համարի այդ ու չի ձգտիլ իսկական լաւագոյնին, երբ այդ լաւագոյնն իրականացնելը նրա միջոցները թոյլ են տալիս, դրանով ուղղակի յանցանք կը լինի գործած: Տարրական կրթութեան պահանջ-

ներին լիակատար բաւարարութիւն տւող տարրական դպրոցը պէտք է լինի վեց դասեան, որն ի նկատի ունի մեզանում իրականացնել (այդ իրականացումը կախած է նիւթական միջոցներից) մեր ծխական տարրական դպրոցների կանոնադրութեան ու ծրագրի «նախագիծը» (1905-1906 թ. կազմած):

Նա բաղկացած պէտք է լինի վեց դասարանից կամ վեց իրարից շուկ պարապող, իւրաքանչիւրն առանձին դասարանական սենեակում տեղաւորւող, բաժանմունքներից, որոնք շնորհիւ այդ նպատակը պայմանի աւելի արդիւնաւէտ են լինում, քան այն դէպքում երբ երկուսով կամ երեքով (ինչպէս այժմեան մի դասեաններում է) տեղաւորւում են մի դասարանական սենեակում մի ուսուցչով: Այդպիսի լիակատար կազմ ունեցող տարրական դպրոցը պէտք ունենայ առնւազը վեց ուսուցիչ, հաշւելով իւրաքանչիւր դասարանի համար մի ուսուցիչ: Եթէ դպրոցի միջոցները ներում են, պէտք է վեց դասարանի համար ունենայ ութ ուսուցիչ, քանի որ վեց հոգին նոյն իսկ, չափից դուրս ծանրաբեռնւած լինելով դասերով չեն կարող տանել գործը լիակատար աջողութեամբ. ութ հոգուց բաղկացած խումբը աւելի քիչ կը լինի ծանրաբեռնւած դասերով ու աշակերտական տետրակներով (աշակերտների գրու-

թիւները միշտ ուղղել հարկաւոր է), հետեւաբար աւելի լաւ կը տանի գործը: Զուգնթաց դասարանների բացման դէպքում պէտք է մեծացնել ուսուցիչների թիւը, ամեն մի զուգնթացի համար նոր ուսուցիչ հրաւիրելով:

Այդպիսի դպրոցը պէտք է ունենայ նաև, դասատուների վերև մատնացոյց արած թւից աւել, մի, երկու մասնագէտ դասատու՝ ձեռագործի, ձեռարւեստի, երգեցողութեան, նկարչութեան ու մարմնամարզութեան համար:

Դպրոց պահող համայնքները պէտք է ամեն կերպ աշխատեն բարելաւել, բարւոքել ուսուցիչների նիւթական գրութիւնը: Անբաւարար վարձաւորող ուսուցիչը, ստիպւած լինելով միշտ կուէլ նիւթական զրկանքների ու ձախորդութիւնների դէմ ցանկալի սիրով ու եռանդով չէ կարողանում նւիրել գործին. նա իր աշխատանքը կատարում է կիսատ-պռատ, անիծելով իր գրութիւնն ու իր պաշտօնը, որից նա աշխատում է ազատւել առաջի յարմար բոպէին, հէնց որ մի ուրիշ ձեռնտու գործ է գտնում:

Մեր տարրական դպրոցներում (թէ քաղաքներում և թէ գիւղերում) ուսուցչի նապաստակն ուղիկը պէտք է լինի 500-ից մինչև 600 բուրջի մեծ քաղաքներում դեռ աւելի դրանից, քանի որ կեանքն այնտեղ աւելի թանկ է: Եթէ մի ուսու-

ցիչ տարիներ շարունակ պաշտօնավարում է մի դպրոցում ու տարեցտարի իր բարեխիղճ վերաբերմամբ գործին աւելի ու աւելի արդիւնաւէտ դարձնում իր աշխատանքը, պէտք է նրա ուղիկը իւրաքանչիւր մի 2-3 տարին մի անգամ մի որոշ գումարով աւելացնւի: Լաւ վարձատրւող աշխատաւորն է միայն լաւ կատարում իրեն յանձնած աշխատանքը. թէև լինում են բացառութիւններ, բայց ես ի նկատի ունեմ ընդհանուր երևոյթը, այլ ոչ բացառութիւնը: Լաւ վարձատրւող ուսուցիչը սովորաբար բարեխղճութեամբ ու եռանդով է տանում իր ստանձնած գործը:

IX.

Հարկաւոր եմ համարում մատնացոյց անել միգասեան երեք բաժանմունքից բաղկացած տարրական դպրոցում պարապելու իմ առաջարկած կարգին վերաբերող մի քտնի մանրամասնութիւններ: Երբ այդ կարգը մտցնւի դպրոցում, այն է՝ I-ի բաժանմունքը ժողովւի ժամը 8-ին ու ցրւի 11¹/₂-ին, իսկ II-դն ու III-դ պարապել սկսին նրանից յետոյ ու ցրւեն 2-ին, ծնողներից (գիւղերում մանաւանդ) ուսուցիչը բողոքներ, տրտունջներ կը լսեն. նրանք կը զանգատեն, որ վարժապետը քիչ է պահում երեխաներին ուսումնարանում, հետեւաբար քիչ բան է սովորեցնում նրանց. կրթական գործի հետ անձանօթ ծնողները միամտաբար կարծում են, թէ երեխան քանի

շատ մնայ ուսումնարանում, քանի երկար նստի դասատան մէջ, այնքան շատ բան կը սովորի: Ծնողների ու առհասարակ դպրոցով հետաքրքրւող մարդկանց, դպրոց պահող համայնքի անդամների, բողոքներին վերջ տալու համար բաւական է գումարել մի ժողով ու բացատրել, թէ ինչու համար են երեխաները երկու առանձին խմբի բաժանւում, իրարից ջոկ պարապում ու համեմատաբար (նախկին կարգի հետ) քիչ մնում դպրոցում, թէ այդ կարգով ուսուցիչը, աւելի քիչ տանջելով երեխաներին ու իրան, հնարաւորութիւն ունի դպրոցին նւիրող որոշ ժամանակամիջոցի տեղուցութեան ընթացքում աշակերտ-աշակերտուհիների աւելի մեծ թւի հետ պարապել ու այն էլ աւելի լաւ հետեւանքներով, քան այն զէպքում, երբ երեք բաժանմունքի հետ պարապում է միաժամանակ, մի դասարանական կամ երկու կից սենեակներում տեղաւորելով նրանց: Թողովականներից ուսուցիչը շնորհակալութիւն կը լսի միայն ու գրանով կը վերջանան մինչ այդ լսող բողոքները:

Առաջարկող կարգով պարապմունքերը առաջ տեղի են ունենում I-ի բաժանմունքի հետ, յետոյ II-դ ու III-դ: Այդպէս պէտք է տանել պարապմունքները աշնան ու ձմեռւայ ամիսներում, իսկ գարնանը, մարտի 1-ից սկսած, համայնքի համար աւելի նպատակայարմար է (այս խորհուրդը տր-

ուում է բացառապէս գիւղական դպրոցների ուսուցիչ-ուսուցչուհիներին) այդ կարգը փոխել ու պարապել առաջ II-դ ու III-դ բաժանմունքի երեխաների հետ, յետոյ I-ի: II-դ ու III-դ բաժանմունքների երեխաները աւելի հասակաւոր են, հետեւաբար նրանք աւելի են պէտք թէ տնային և թէ դրսի (դաշտային) աշխատանքի համար, քան առաջինեցիք. աշնանը ու ձմեռը մանաւանդ նրանք հարկաւոր են տանը առաւօտեան ժամերին (պէտք է տան անասուններին քշել տանել գետը, առուն կամ աղբիւրը ու ջուր տալ, պէտք է մաքրել գոմը, դուրս կրել աղբը, մարագից լարդ հանել, դէզից խոտ վերցնել ու տանել գոմը անասուններին կերակրելու համար. գրանով զբաղուում են տան ոչ միայն հասակաւոր անգամները. փոքրերն էլ շատ պէտք են գալիս), իսկ գարնանը հարկաւոր են դաշտում, այգում, պարտէզում ամբողջ օրը: Այդ պատճառով շատ ծնողներ գարնանը, մանաւանդ ապրիլին ու մայիսին, հնարաւորութիւն չեն ունենում երեխաներին դպրոց ուղարկել: Վերջի երկու բաժանմունքների աշակերտների թիւը խիստ զգալի չափով նւազում է, ուսուցիչը հնարաւորութիւն չունենում նոր բան անցնել: Եթէ ուսուցիչը II-դ ու III-դ բաժանմունքների հետ պարապի գարնան ամիսներում առաւօտեան ժամի 8-ից, կը վերջացնի նրանց հետ պարապմունքները 11

ժամ 20 րոպէին, որից յետոյ երեխաները կարող են գնալ դրսի աշխատանքների. դժւար չէ ապրիլի 1-ից սկսել պարապմունքները առաւօտեան ժամը 7-ից (գիւղացի երեխաները, ինչպէս ասացինք, շատ շուտ են արթնանում. ուսուցիչը, ուսուցչուհին այդ սովորութիւնից եթէ զուրկ են, պէտք է աշխատեն իւրացնել նրան). այն ժամանակ պարապմունքները I-դում ու III-դում կը վերջանան 10 ժամ 20 րոպէին, ու երեխաները աւելի շուտ կը հասնեն օգնութեան դրսում աշխատող իրենց ծնողներին: Եթէ դպրոցում այդպիսի կարգ հաստատուի, շատ հազաւագիւտ կը գառնան գարնան ամիսներում երեխաներին դպրոցից զրկելու գէպքերը. ինչքան էլ փոքրերի օգնութեան կարօտ լինեն մեծերը, էլի մինչև ժամի 10 — 11-ը մի կերպ եօլա կը գնան առանց նրանց. շնորհիւ այդ կարգի այդպիսի եօլա գնացողների թիւը կը մեծանայ, ու երեխաների ստւար մեծամասնութիւնը հնարաւորութիւն կունենայ այդպիսով մինչև ուսումնական տարւայ վերջը, մայիսի 31-ը, յաճախել դպրոցը: Եթէ որ և գիւղում աշնանն էլ գոյութիւն ունեն դրսի բազմապիսի աշխատանքներ (աշնանային վար ու ցանքս, ուշացած կալ կալսումն, այգիների, պարտէզների ու բանջարանոցների բերքի ժողովումն), պէտք է այնտեղ էլ աշնան երկու ամիսների ընթացքում, սեպտեմբերի ու հոկտեմբերի, առաջ

պարապել II-դ ու III-դ բաժանմունքների հետ, յետոյ սկսնակ I-ի: Եթէ տարրակոն միգասեան դպրոցը բաղկացած է միմիայն երկու բաժանմունքից, I-ի սկսնակից ու II-դից, III-դը դեռ չը կայ, դեռ գոյութիւն չէ ստացել շնորհիւ դպրոցի նոր բացման, այդ դէպքում էլ պէտք է սկսնակ բաժանմունքի հետ պարապել առանձին, II-դի հետ էլ իր հերթին առանձին, պարապել վերև նկարագրած կարգով ու ստորև ցոյց տւած դասացուցակով: Եթէ միմիայն II-դի հետ պարապելիս ուսուցիչը դասատանը ներկայ ունենայ նաև սկսնակ բաժանմունքը, որին պէտք է նւիրի իւրաքանչիւր դասի կէսը, համարեա նոյն դժւարութիւնների մէջ կրնկնի, ինչպիսի դժւարութիւնների մէջ խարխափում է, երբ սկսնակին միաժամանակ է զբաղեցնում II-դ ու III-դ բաժանմունքների հետ:

Մի ըստ երևոյթին փոքր, բայց իսկապէս խոշոր յարմարութեան անհրաժեշտութեան վրա էլ հարկաւոր եմ համարում զարձնել գիւղական ուսուցիչների ուշադրութիւնը: Գիւղական դպրոցը սովորաբար զուրկ է լինում պատի ժամացոյցից, հազւագիտ պատահածն էլ երկար կանգնելուց ժանգոտած է լինում կամ բանում է անկանոն: Ուսուցիչը պէտք է լաւ ժամացոյց ունենայ ու պահի նրան շատ սարքին, ժամանակին լարելով: Առանց կանոնաւոր բանող ժամացոյցի անհնարին

են կանոնաւոր պարապմունքները, ուսուցիչը պարապելիս, պէտք է ժամացոյցը միշտ աչքի առաջին ունենայ, լինի վերին աստիճանի ճշտապահ, ակիւրատ, դասամիջոցից ժամանակ չը խլի ու դնի դասի վրա ու դասից դասամիջոցի: Ճիշտ նշանակւած րօպէին պէտք է սկսի դասը ու նշանակուած րօպէին վերջացնի: Փչացած, օրերով կանգ առնող ժամացոյցով չի կարելի պարապմունքները կանոնաւոր տանել. քօսալին գրութեան մէջ կրնկնին նրանք: Եթէ ուսուցչի ժամացոյցը փչանում է, պէտք է շտապի շուտով զրկել նրան մօտակայ ժամագործ ունեցող վայրը ուղղելու համար, իսկ մինչ նրա ետ ստանալը գիւղի ժամացոյցատէրերից ժամանակով մինը խնդրել օգտւելու. ինչքան էլ փոքր լինի գիւղը, էլի մի քանի ժամացոյցատէրեր կը գտնւին այնտեղ: Եթէ դպրոցում կան մի քանի դասատուներ, իւրաքանչիւրը պէտք է ունենայ իր առանձին ժամացոյցը: Պատահում են անփոյթ ուսուցիչներ, որոնք երբեմնակի շաբաթներով համարեա եօլա են գնում առանց ժամացոյցի. իրենցը փչանում է. ուղարկում են ուղղելու. երբեմն չեն էլ ուղարկում, սպասում են իրենց քաղաք գնալուն. նեղութիւն չեն կրում որ և է ժամացոյցատէրից ժամանակաւորապէս ժամացոյց խնդրել: Նրանք իրենց դասերին ու դասամիջոցներին յատկացրած ժամանակը որոշում են, այսպէս ա-

սած, բնագոյմամբ. թէ ինչպիսի կանոնաւորութեամբ են գնում պարապմունքները, այդ երեւկայել զժւար չէ:

X.

Հարկաւոր եմ համարում ուսուցիչ-ուսուցչուհիներին տալ նաև շաբաթական որոշ դասացուցակ իւրաքանչիւր բաժանմունքի համար: Նրանք կարող են դասացուցակում դասերի դասատուութիւնը փոխել ըստ իրենց հայեցողութեան ու յարմարութեան. դասերի ու դասամիջոցների թիւն ու տեղութիւնը խորհուրդ չեմ տալիս փոխել: Այդ բանում աւելի ձեռնհաս կարող է գտնուել ուսուցչական մի որ և է մեծ համագումար, որին պէտք է թողնել դասերի ու դասամիջոցների թիւի ու տեղութեան, ինչպէս և կրթական գործին վերաբերող ուրիշ կարևոր հարցերի մասին հեղինակաւոր որոշումներ կայացնելը: Պատասցուցտիւր կազմելիս հետևել եմ մեր տարրական դպրոցների կանոնադրութեան ու ծրագրի վերև յիշած «Նախագծին», բայց հետևել եմ ոչ կուրորէն. «Նախագծի» պահանջներն ի նկատի եմ առել այն չափով, ինչ չափով թոյլ են տւել ինձ այդ երկարամեայ փորձերը ու մեր տարրական դպրոցի իրականութեան հետ մօտիկ ծանօթ լինելս: Իմ դասացուցակների մէջ կան շեղումներ «Նախագծից» (թէ և

ոչ շատ խոշոր)՝ դասերի ու դասամիջոցների թիւն ու մանաւանդ նրանց տեղութեան վերաբերւող. այդ շեղումները ես անհրաժեշտ եմ գտել մասամբ մեր տարրական դպրոցների արդի իրականութեան շնորհով, որոնց խղճուկ նիւթականը հնարաւորութիւն չէ տալիս օրինակելի կերպով կազմակերպել նրանց: Եթէ իրական փորձերը պահանջում են շեղումներ «Նախագծից», որն իր շատ գնահատելի առաւելութիւններով (համեմատած մեր տարրական դպրոցների հին ծրագրի ու կանոնադրութեան հետ) հանդերձ ունի նաև աչքի բնկնող թերութիւններ, այն էլ ոչ սակաւաթիւ, թոյլատրելի են այդ շեղումները, քանի որ «Նախագիծը» իր մէջ դեռ չի պարունակում մեր տարրական դպրոցների համար իսկական, կատարեալ կանոնադրութիւն ու ծրագիր. նա այդ ցանկալի կանոնադրութեան ու ծրագրի «Նախագիծն» է դեռ, կարօտ լուրջ փորձերի ու մանրազնին քննադատութեան մի շարք հեղինակաւոր ուսուցչական համագումարների կողմից: Գոյութիւն ունեցող տարրական դպրոցներում պարապելու իմ առաջարկած կարգն ու պայմաններն էլ նոյն կարօտութիւնն ունեն: Այդպիսի համագումարների բովում եփւելուց յետոյ միայն կանոնադրութեան ու ծրագրի գոյութիւնն ունեցող «Նախագիծը» կը գառնայ իսկական, կատարեալ կանոնադրութիւն ու ծրագիր, անպայման պարտադիր մեր տարրա-

կան դպրոցների բոլոր ուսուցիչների ու ուսուցչուհիների համար: Մինչ այդ մեր դասատուները պարտաւոր են էլի ղեկաւարւել նոյն «Նախագծով», քանի որ նրանից լաւը չը կայ այժմս, թոյլ տալով իրենց այնպիսի շեղումներ միայն, որոնք բղխում են արդի իրականութեան ու տեղի ունեցող փոքրների հարկադրական պահանջներից:

Հարկաւոր եմ համարում մեր տարրական դպրոցների դասատուներին առաջարկել մի բան ևս, շատ անհրաժեշտ կրթական գործի կանոնաւորութեան ու արդիւնաւէտութեան համար. պէտք է ուսումնական տարւայ ամեն մի քառորդը*) սկզբում որոշել. թէ իւրաքանչիւր դասախօսւող աւարկայից ընդամենը քանի՞ դաս է լինելու ամբողջ քառորդի ընթացքում (այդ դժւար չէ անել, հաշւելով բանւորական օրերի թիւը. վերջինս կարելի է յայտնի դարձնել, հանելով քառորդը կազմող օրերի ընդհանուր թւից կիրակի ու տօն օրերի թիւը) ու լետոյ այդ դասերի թւի համեմատ որոշել քառորդում անցնելիք նիւթի քանակը գործադրւող ծրագրի համաձայն: Անցնելիք նիւթի այդ որոշած քանակը պէտք է բաժանել ըստ դասերի, գրել այդ բոլորը յատուկ տետրակում,

*) Ինն ամսից բարկացած ուսումնական տարին բաժանւում է շորս մասի կամ քառորդի, որոնցից երեքը տւում են երկու-երկու ամիս (իւրաքանչիւրը), իսկ շորբորդը, վերջինը, երեք ամիս:

իւրաքանչիւր դասի համար կազմել համաւճռոտ կօնսպեկտ, ուրւագիծ. ամեն դասից առաջ նախապատրաստել այդ կօնսպեկտով ու լետոյ միայն մտնել դասատուն: Առանց այդպիսի նախապատրաստութեան, առանց անցնելիք նիւթի քանակը նախօրօք որոշելու գոնէ մի-երկու ամսւայ համար, առանց կօնսպեկտի, ուսուցիչը ստիպւած կը լինի միշտ խարխափել անորոշութեան մէջ, չունենալով մի որոշ, խորթ ու բորթութիւնները նախօրօք յղկած, նպատակալարմար ուղի. առանց այդպիսի ուղիի նա չէ կարող հասնել ցանկալի նպատակի. նա մի կերպ եօլա կը տանի, օր կը մթնացնի, բայց գործը ցանկալի արդիւնաւէտութեամբ տանել չէ կարող: Ծանր ու պատասխանատու է ուսուցչական աշխատանքը. նա պահանջում է ժամանակի, ոյժերի ու եռանդի մեծ գոհարերութիւն. նա պահանջում է նաև մի շատ գնհատելի, շատ թանկագին բան ուսուցչից, այն է՝ գաղափարակամութիւն. այդ պահանջը շատ հարկադրաբար է դնում հայ ժողովրդական ուսուցչի առաջին մանաւանդ մեր այսօրւայ, մեր արդի իրականութիւնը: Ով ընդունակ չէ զգում իրեն ուսուցչական պատասխանատու կոչման ու ուսուցչական ծանր աշխատանքի համար, նա այլ ասպարէզում պէտք է փնտրի իր համար գործ ու բարօրութիւն:

XI.

Գ Ա Ս Ա Յ ՈՒ Յ Ա Կ

միգասեան (երեք բաժանմունքից բաղկացած ու մի դասառու ունեցող) ծխական տարրական դպրոցի.

I-ի ԲԱԺԱՆՄՈՒՆՔ

ա) ԵՐԿՈՒՇՍԻԹԻ

1. Հայոց լեզու (45 րոպէ) Գասամիջոց 10 րոպէ
2. Թւաբանութիւն (45 ր.) Գասամիջոց 10 ր.
3. Իրազննութիւն (40 ր)

բ) ԵՐԵՔՇՍԻԹԻ

1. Թւաբանութիւն
2. Հայոց լեզու
3. Վայելչագրութիւն

գ) ՉՈՐԵՔՇՍԻԹԻ

1. Հայոց լեզու
2. Թւաբանութիւն
3. Նկարչութիւն

դ) ՀԻՆԳՇՍԻԹԻ

1. Հայոց լեզու
 2. Կրօն
 3. Երգեցողութիւն
- է) ՈՒՐԲՍԹ

1. Թւաբանութիւն
2. Հայոց լեզու
3. Վայելչագրութիւն

զ) ՇՍԻԹ

1. Հայոց լեզու
2. Թւաբանութիւն
3. Իրազննութիւն

Այդպիսով ամեն մի դասին ուսուցիչը նւիրում է 40—45 րոպէ, իսկ II-դ ու III-դի հետ խառը

ժամանակ նա հազիւ կարողանում է նւիրել 15 րոպէ, այն էլ ոչ անընդհատ:

I I-ՊԻ ու I I I-ՊԻ ԲԱԺԱՆՄՈՒՆՔՆԵՐ

(միաժամանակ պարապմունքներով).

ա) ԵՐԿՈՒՇՍԻԹԻ

1. Հայոց լեզու (45 րոպէ) Գասամիջոց 10 րոպէ
 2. Թւաբանութիւն (45 ր.) Գասամիջոց 10 ր.
 3. Ռուսաց լեզու (40 ր.) Գասամիջոց 10 ր.
 4. Վայելչագրութիւն (40 ր.)
- բ) ԵՐԵՔՇՍԻԹԻ

1. Թւաբանութիւն
2. Հայոց լեզու II-դում ու պատմութիւն III-դում
3. Ռուսաց լեզու
4. Իրազննութիւն II-դում ու բնագիտութիւն III-դում

3. Ռուսաց լեզու
 4. Իրազննութիւն II-դում ու բնագիտութիւն III-դում
- գ) ՉՈՐԵՔՇՍԻԹԻ

1. Հայոց լեզու
2. Կրօն

3. Թւաբանութիւն II-դում ու պատմութիւն III-դում
4. Նկարչութիւն

դ) ՀԻՆԳՇՍԻԹԻ

1. Հայոց լեզու
2. Թւաբանութիւն
3. Ռուսաց լեզու
4. Իրազննութիւն II-դում ու բնագիտութիւն III-դում

է) ՈՒՐԲՍԹ

1. Հայոց լեզու
2. Թւաբանութիւն
3. Ռուսաց լեզու
4. Վայելչագրութիւն II-դում

նկարչութիւն ու քաղցրատեսիլ III-դում

դ) ՇԱՌԱԹ

1. Ռուսաց լեզու
2. Հայոց լեզու
3. Կրօն
4. Երգեցողութիւն

Գասի կէսը ուսուցիչը նւիրում է II-դ բաժանմունքին ու անմիջապէս պարապում նրա հետ, միւս կէսը նւիրում է III-դին ու նրա հետ էլ անմիջապէս պարապում նրա հերթին: Մի բաժանմունքի հետ անմիջապէս պարապելիս միւսին զբողեցնում է որ և է գրաւորով. ցանկալի է, որ գրաւորը լինի այն առարկայից, որին նւիրած է դասը: Ռուսաց լեզուով գրել-կարգալը II-դ բաժանմունքում սկսում է ուսումնական տարւայ երկրորդ կիսամեակի սկզբից. առաջի կիսամեակում աշակետներն զբաղում են բերանացի վարժութիւններով, սկսելով ռսերէն սովորելը շրջապատող առարկանների անուններից, ու այդպիսով նախապատրաստում են գրել-կարգալու համար: Բերանացի վարժութիւնների հետ զուգնթաց աշակետները սովորում են գրել ռուսաց տառերի տարրերը (ЭЛЕМЕНТЫ ПИСЬМА), տառերի մասնիկները. այդ գրաւորով վարժւում են այն ժամանակ, երբ ուսուցիչը ուսսաց լեզւի գասի ժամանակ անմիջապէս պարապում է III-դ բաժանմունքի հետ վերջինիս հերթին:

ՊԱՍՍՅՈՒՅԱԿ

երկդասեան (IV-դ ու V-դ բաժանմունքներից բաղկացած) ծխական տարրական դպրոցի, մի դասարանական սենեակում տեղաւորող ու մի ուսուցչով միաժամանակ պարապող.

IՎ-Պ ու V-Պ ԲԱԺԱՆՄՈՒՆԵՔ

ա) ԵՐԿՈՒՇԱԹԻ

1. Հայոց լեզու (55 րօպէ)
 - Գասամիջոց 15 րօպէ
2. Թւաբանութիւն (55 ր.)
 - Գասամիջոց 15 ր.
3. Պատմութիւն (55 ր.)
 - Գասամիջոց 50 ր.
4. Բնագիտութիւն (50 ր.)
 - Գասամիջոց 15 ր.
5. Նկարչութիւն (50 ր.)

2. Թւաբանութիւն
 3. Ռուսաց լեզու
 4. Պատմութիւն
 5. Երգեցողութիւն
- դ) ՀինԳՇԱԹԻ

- բ) ԵՐԵՔՇԱԹԻ
1. Ռուսաց լեզու
 2. Հայոց լեզու
 3. Կրօն
 4. Աշխարհագրութիւն
 5. Վայելչագրութիւն

1. Հայոց լեզու
 2. Ռուսաց լեզու
 3. Թւաբանութիւն
 4. Կրօն
 5. Նկարչութիւն
- ե) ՈՒՐԲԱԹ

- գ) ՉՈՐԵՔՇԱԹԻ
1. Հայոց լեզու

1. Ռուսաց լեզու
2. Հայոց լեզու
3. Պատմութիւն
4. Երկրաչափական Զևագիտութիւն
5. Բնագիտութիւն

զ) ՇԱՒԱԹ

1. Հայոց լեզու
2. Ռուսաց լեզու
3. Բնագիտութիւն
4. Աշխարհագրութիւն
5. Երգեցողութիւն

Դասի կէսը ուսուցիչը նւիրում է IV-դ բաժանմունքին ու անմիջապէս պարապում նրա հետ ու միւս կէսը նւիրում V-դին ու նրա հետ էլ անմիջապէս պարապում իւր հերթին. մի բաժանմունքի հետ անմիջապէս պարապելիս միւսին զբաղեցնում է դրաւորով:

Դ Ա Ս Շ Յ Ո Ւ Յ Ա Կ

Երեքդասեան ծխական տարրական դպրոցի, մի բաժանմունքից կամ VI-դից բաղկացած:

ա) ԵՐԿՈՒՇԱԲԹԻ

1. Հայոց լեզու (55 րոպէ)
2. Պատմութիւն (55 ր.)
3. Աշխարհագրութիւն (55 ր.)

Դասամիջոց (50 ր.)

4. Բնագիտութիւն (55 ր.)
5. Վայելչագրութիւն (50 ր.)

բ) ԵՐԵՔՇԱԲԹԻ

1. Ռուսաց լեզու
2. Կրօն
3. Մարդակազմութիւն ու առողջապահութիւն
4. Պատմութիւն
5. Նկարչութիւն

3. Ռուսաց լեզու
4. Բնագիտութիւն
5. Կրօն

ե) ՈՒՐԲԱԹ

զ) ՉՈՐԵՔՇԱԲԹԻ

1. Հայոց լեզու
2. Ռուսաց լեզու
3. Թւաբանութիւն
4. Աշխարհագրութիւն
5. Երկրաչափական ձևագիտութիւն

1. Թւաբանութիւն
2. Հայոց լեզու
3. Ռուսաց լեզու
4. Պատմութիւն
5. Մարդակազմութիւն ու առողջապահութիւն

զ) ՇԱՒԱԹ

դ) ՀԻՆԳՇԱԲԹԻ

1. Հայոց լեզու
2. Թւաբանութիւն

1. Հայոց լեզու
2. Ռուսաց լեզու
3. Պատմութիւն
4. Քաղաքացիական ուսմունք
5. Երգեցողութիւն


Քանի որ այդ դասատուները իրենից ամբողջովին ներկայացնում է մի բաժանմունք, ուսուցիչն էլ ամբողջովին նւիրում է նրան:

Շնորհիւ այդ նպաստաւոր պայմանի, գործն
այդ դասարանում կարող է առաջ ընթանալ կրկ-
նակի աջողութեամբ, քան նախնիժաց դասարան-
ներում: Վերջիններիցս մնացած պակասութիւն-
ներն ու թերութիւնները այդ դասարանում կա-
րող են լրացնել, ուղղել ու չղիւել վերջնակա-
նապէս:

Ղարաբաղի Հայոց եկեղեցական ծխական
դպրոցների քեանական Տեսուչ՝

ՍՏ. ՏԷՐ-ԱԻԵՏԻՔԵԱՆ

Շուշի, 15-ին սեպտեմբերի
1908 թւի:



Թույլատրում եմ տպագրել 16 սեպտեմբերի 1908 թ. Շուշի.

Ղարաբաղի Թեմի Հայոց Առաջնորդ՝ ԱՇՈՏ ԵՊԻՍԿՈՊՈՍ.

ՄՄ Հայագիտական գրադարան



MAL011364

